

Imeruersaatinik utertittakkanik puulinnik

eqqussuineq

Ilitsersuut

Version 2.0 2024

## Imarisai

1. Aallaqqaasiut .....	3
1.1 Iilersuummik atuisussat .....	3
2. Poortuutit utertittakkat – suut pineqarpat? .....	3
3. Poortuutit utertittagaanngitsut .....	3
4. Imeruersaatinik utertittakkanik puulinnik eqqussuinermi akitsuutit aamma puuisa qularnaveeqqutaat.....	4
5. Poortuutit utertittakkat stregkodeannik pant.gl-imi nalunaarsui-nissaq .....	4
5.1. Nioqqutissiat Kalaallit Nunaanni utertitsisarnermik aqqissuussinermi ilaatinne-qartussat nalunaarsorneranni paasissutissat .....	5
6. Akitsuusigassanngorfik .....	6
6.1. Danmarkimiit umiarsuakkut nassiunneqartut akitsuusigassanngorfiat.....	7
6.2. Danmarkimiit imaluunniit nunanit allaniit umiarsuakkut nassiunneqartut akitsuusigassanngorfiat.....	7
7. Akitsuusigassat nalunaarutigineqarfiat .....	7
9. Eqqussuinermi akitsuutit aamma poortuutit qularnaveeqqutaasa akilerneqarnissaat .....	8
9.1 Aki.....	8
10. Akitsuusigassanik nalunaaruteqarnermi immersugassaq TF10 – assersuut .....	8
10.1. Imeruersaatinik utertittakkanik puulinnik Kalaallit Nunaannut eqqussuineq .....	8
10.2. Immersugassaq TF10 immersorneqarsimasoq assersuutitut .....	9
11. Iilersuutinut allanut innersuussineq .....	12
12. Attavissat paasissutissartaat .....	12
13. TF10 – immersorneqarsimasoq assersuutitut.....	13

# **1. Aallaqqaasiut**

Imeruusaatit puui pillugit malittarisassat nutaat ulloq 1.1.2024 atuutilissapput. Poortuutininik utertitsisarnermik aqqissuussineq nutaaq tassunga atatillugu Nunatsinni atuutilersinneqassaaq. Taassuma kingunerissavaa imeruusaatit assigiinngitsorpasuit taakkualu poortuutaasa eqqussorneqarneranni nioqputissanik eqqussuinermit akitsuutaasa saniatigut aammattaaq puuisa qularnaveeqqutaannik allaffissornermullu akiliummik akiliisoqartalernissaa.

Iltersuutinnguaq una suliffeqarfiit – nioqquteqartuusut aammalu eqqussuisut – inuillu nammineq atugassaminik eqqussuisussat, imeruusaatinik utertittakkanik puulinnik eqqusuilerunik akitsuusigassanik nalunaa-ruteqarnermi qarasaasiakkut immersugassap TF10-p eqqortumik immersornissaanut iluaqutissaraat. Imaappoq iltersuummi paasiuminarsarneqarpoq akitsuutit suut pineqarnerisut taakkulu qarasaasiakkut immersugassami TF10-mi qanoq allaqqassanersut.

Atuarluarisiuk!

## **1.1 Iltersuummik atuisussat**

Iltersuut suliffeqarfiit inuillu imeruusaatinik utertittakkanik puulinnik eqqussuisussat atugassaraat. Imaappoq niuertarfissuarmut imeruusaatinik puulinnik amerlasoorsuannngorlugit eqqussuisumut aamma inummut sodavandinik karsinik 10-nik nammineq atugassaminik eqqussuisumut atuuppoq.

Iltersuut aamma nioqquteqartunit nunanit allaneersunit atorveqassaaq, taakkumi poortuutininik Kalaallit Nu-naannut nioqquteqartutut (nunamut allamut nioqquteqartutut) eqqussuisoq peqatigalugu akisussaapput akitsuusigassat eqqortumik nalunaarutigineqarnissaannut.

## **2. Poortuutit utertittakkat – suut pineqarpat?**

Taaguummi ‘Poortuutit utertittakkat’ pineqarput qillertuusat puiaasallu igalaaminermi, aluminiumit, plastik-kimit (PET) imaluunniit saviminermi sanaajusut, immiaaqqanik, imeruusaatinik kulisyretalinnik, imeruusaatinik kulisyretaanngitsunik, paarnat naatitallu issarinik aamma saftiliassanik imallit.

## **3. Poortuutit utertittagaanngitsut**

Poortuutit kinguliini taagorneqartut poortuutit pillugit nalunaarummi pineqartunut ilaanngillat:

- Poortuutit 4,9 literit sinnerlugit imaluunniit 0,125 literit inorlugit imaqarsinnaasut.
- Nappartaaqqat.
- Dunkit.

- Viinnit imigassallu kimittuut, matumani aamma viinnit puaasartuliortut puui.
- Immummit nioqqtissiat puui.

Tamanna isumaqarpoq poortuutiniq qulaani taagorneqartunik eqqussuinermi poortuutit utertittakkat qularnaveeqqutaannik akiliisoqassanngitsoq. Poortuutip poortuutit pillugit nalunaarummi pineqartunut ilaanera nalornissutigukku Nunalerinermut, Imminut Pilersornermut, Nukissiuutinut Avatangiisinullu Naalakkersuisoqarfimmut saaffiginninnissannik kajumissaarneqarputit.

#### **4. Imerusaatinik utertittakkanik puulinnik eqqussuinermi akitsuutit aamma puuisa qularnaveeqqutaat**

Suliffeqarfik imerusaatinik utertittakkanik puulinnik eqqussuiguni, imerusaatip puuatalu eqqussuinermi akitsuutaannik nalunaaruteqarnermi saniatigut aammattaaq poortuummut ataatsimut qularnaveeqqummik allaffissornermullu akiliummik nalunaaruteqaqquneqassaaq. Tassa imaappoq taakku immersugassami akitsuusigassat nalunaarutigineqarfianni TF10-mi *allaqqassapput*. Aamma takuuk Eqqussuinermik nalunaaruteqarnermut tunngasumi.

#### **5. Poortuutit utertittakkat stregkodeannik pant.gl-imi nalunaarsuinissaq**

- Poortuutip utertittakkap akitsuusigassanik nalunaaruteqarnermi immersugassami allanneqarnissaani *eqqussuisup pisussaaffigaa* poortuutip stregkodeata **Poortuutiniq aqutsisumut** internetikkut isertarfimmi nalunaarsorneqarsimanera qulakkiissallugu.

Tamatumani uku atuupput:

- ➔ Stregkode nalunaarsorneqareersimappat eqqussuisoq qanoq iliuuseqassanngilaq.
- ➔ Nioqqtissiaq *nalunaarsorneqarsimangippat* taanna Poortuutiniq aqutsisumut internetikkut isertarfimmi ([www.pant.gl](http://www.pant.gl)) nalunaarsorneqassaaq.

- Paasissutissat makku nalunaarutigineqassapput:

- 1) Poortuutip angissusia, stregkode-p ilusia il.il. pillugit paasissutissat. Takuuk ataani immikkoortoq Nioqqtissiap nalunaarsorneqarnissaani paasissutissanut tunngasoq.

- 2) Poortuut poortuutinin aqutsisumut internetikkut isertarfimmi nalunaarsorneqaruni aamma aqutsisumit akuerineqaruni aatsaat akuerineqartutut isigineqassaaq.
- Taassuma kingorna aatsaat Kalaallit Nunaannut eqqunneqarsinnaalissaaq.

### **5.1. Nioqqutissiat Kalaallit Nunaanni utertitsisarnermik aqqissuussinermi ilaatinneqartussat nalunaarsorneranni paasissutissat**

Paasissutissat kinguliini taaneqartut nioqqutissiap Kalaallit Nunaanni utertitsisarnermik aqqissuussinermi ilaassussatut nalunaarsorneqarnerani allaqqassapput:

Paasissutissaq	Paasissutissartai	Nassuiaat
<b>Stregkode</b>	Kisitsisit 8-t,12-it, 13-illuunniit	
<b>Nioqqutissiap aqqa</b>	Amerlanerpaamik naqinnerit 255-it	Uniffik aneq ( ; ) ilaassanngilaq
<b>Sananeqaataa</b>	<u>Atorneqarsinnaasut:</u> - 'P' (PET) - 'A' (Aluminium) - 'S' (Savimineq) - 'G' (Igalaamineq)	
<b>Portussusia</b>		Poortuutip portussusia (matua ilanngullugu) millimeterinngorlugu
<b>Diameteri</b>		Poortuutip silinnerpaaffimmini diameteria millimeterinngorlugu
<b>Oqimaassusia</b>		Imaqarani oqimaassusia gramminngorlugu
<b>Imartussusia</b>		Poortuutip imartussusia milliliterinngorlugu
<b>Ilusia</b>	'F' (Puiaasaq) imaluunniit 'A' (Alla)	"Puiaasaq" poortuutitut puiaasatut ilusilinnut tamanut. "Alla" poortuutitut allanut, soorlu qillertuusanut, kipparissunut assigisaannullu.
<b>Danmarkimi qularnaveeqqut akilerneqarpa?</b>	'J' (Aap), 'N' (Naagga), 'U' (Ilisimaneqanngilaq)	Nioqqutissap Danmarkimi qularnaveeqqutaanik akiliisoqarsimanersoq illit eqqussuisutut nalunaarutigisassarivat.

Eqqarsaatigeriaruk Red Bull-inik palletsimik Kalaallit Nunaannut eqqussiniartutit. Taava stregkodeata poortuutitut aqutsisumut internetikkut isertarfimmi ([www.pant.gl](http://www.pant.gl)) nalunaarsorneqarsimanera misissussavat. Ni-

oqutissiap taassuma stregkodea suli nalunaarsorneqarsimangilaq. Poortuutaa skema qulaaniittoq malillugu imatut paasissutissartaqarpoq:

Paasissutissaq	Paasissutissartai	Nassuiaat
<b>Stregkode</b>	9002490241407	
<b>Nioqutissiap aqqa</b>	Red Bull Regular	Uniffik aneq ( ; ) ilaassanngilaq
<b>Sananeqaataa</b>	A	
<b>Portussusia</b>	176	Poortuutip portussusia (matua ilanngullugu) millimeterinngorlugu
<b>Diameteria</b>	60	Poortuutip silinnerpaaffimmini diameteria millimeterinngorlugu
<b>Oqimaassusia</b>	18	Imaqarani oqimaassusia gramminngorlugu
<b>Imartussusia</b>	473	Poortuutip imartussusia milliliterinngorlugu
<b>Ilusia</b>	'A'	"Puiaasaq" poortuutitut puiaasatut ilusilinnut tamanut. "Alla" poortuutitut allanut, soorlu qillertuusanut, kipparissunut assigisaannullu
<b>Danmarkimi qularnaveeqqut akilerneqarpa?</b>	N	Nioqutissap Danmarkimi qularnaveeqqutaanik akiliisoqarsimansoq illit eqqussuisutut nalunaarutigisassarivat.

Taamaalillutit nioqutissiap poortuutitut aqutsisumut internetikkut isertarfimmi nalunaarsorlugu makku allattussavatit:

*9002490241407;Red Bull Regular;A;176;60;18;473;A;N.*

Malugalugu, poortuut poortuutitut aqutsisumut internetikkut isertarfimmi akuerineqareeruni aatsaat Kalaallit Nunaannut eqqunneqarsinnaalissamat.

## **6. Akitsuusigassanngorfik**

Nioqutissaq akitsuuteqarfiusumut tikiunneqaruni akitsuusigassanngussaaq. Eqqumaffineqassaarli akitsuuteqarfiusumik oqarnermi, akitsuusigassanngortitsineq taamaattumillu qularnaveeqqummik akiligassanngortitsineq qaqugukkut atuutilersinneqartarneranut pineqartut assigiinngitsuummata, nioqutissat Kalaallit Nunaannut qanoq assartorneqarnerat apeqqutaalluni. Tamanna tulliuuttuni naatsumik nassuiarneqarpoq:

## **6.1. Danmarkimiit umiarsuakkut nassiunneqartut akitsuusigassanngorfiat**

Imeruersaatit utertittakkanik puullit Danmarkimiit umiarsuakkut Kalaallit Nunaannut assartorneqarpata akitsuusigassaanerat nioqqutissat Danmarkimi umiarsualivimmi umiarsuarmut ikineqarniariartut atuutilissaaq.

## **6.2. Danmarkimiit imaluunniit nunanit allaniit umiarsuakkut nassiunneqartut akitsuusigassanngorfiat**

Imeruersaatit utertittakkanik puullit *Danmarkiunngitsumiit nunaniilli allaniit* umiarsuakkut assartorneqartut akitsuusigassanngussapput nioqqutissat Kalaallit Nunaannut tikiunneqarneranni, tassa imaappoq umiarsuaq Kalaallit Nunaanni umiarsualivimmut talippat.

Nioqqutissat *Danmarkimiit imaluunniit nunanit allaniit timmisartukkut* assartorneqartut akitsuusigassanngussapput timmisartoq Kalaallit Nunaanni timmisartoqarfimmut mippat.

## **7. Akitsuusigassat nalunaarutigineqarfiat**

- Nioqqutissat Danmarkimiit umiarsuakkut assartorneqarpata akitsuusigassat kingusinnerpaamik nalunaarutigineqassapput nioqqutissat Danmarkimi umiarsuarmut usilersuunneqarneranni.

Taamatuttaaq atuuppoq umiarsuit Danmarkimiit Kalaallit Nunaannut aallarneranni, nioqqutissat umiarsuarmut usilersuunneqarneranni akitsuuserneqartarmata umiarsuullu ingerlaarneranni umiarsualivinni aqqusaarneqartuni tamani nioqqutissat usilersuunneqartut aamma akitsuuserneqassapput.

- Nioqqutissat Danmarkimiit timmisartukkut assartorneqarpata imaluunniit nunanit allaniit umiarsuakkut timmisartukkulluunniit tikiunneqarpata akitsuusigassat nalunaarutigineqassapput, umiarsuaq timmisartorluunniit Kalaallit Nunaanni umiarsualivimmut timmisartoqarfimmulluunniit tikippat.

Nioqquteqartoq nioqqutissanik nassiussileruni nassiussat normuannik nassiussalerisumut piniassaaq. Nioqqutissat nassiussat normuat taanna, akiligassap allagartaa aamma akitsuusigassat nalunaarutigineqarfiat immersoriigaq ilanngullugit nassiussiffissamut tunniunneqassapput – assersuutigalugu umiarsualivimmut timmisartoqarfimmulluunniit. Nioqquteqartuttaaq akitsuusigassat nalunaarutigineqarfiat immersoriigaq Akile-raartarnermut Aqutsisoqarfimmut nassiutissavaa.

## **8. Eqqussuinermi akitsuutit aamma poortuutit qularnaveeqqutaasa akiligassiissutigineqarnerat**

Assartuisup/nassiussalerisup nioqqutissat umiarsualivimmi timmisartoqarfimmiluunniit tigussavai. Assartuisup/nassiussalerisup eqqussuinermi akitsuutit poortuutillu qularnaveeqqutaat eqqussuisumut akiligassiissutigissavai. Nassiussalerisuttaaq akitsuutit poortuutillu qularnaveeqqutaat akilersinneqartut Akileraartarnermut Aqutsisoqarfimmut akilissavai.

## **9. Eqqussuinermi akitsuutit aamma poortuutit qularnaveeqqutaasa akilerneqarnissaat**

Imeruusaatit puusalu eqqussuinermi akitsuutaat kiisalu poortuutit qularnaveeqqutaat allaffissornermullu akiliut nioqqutissat akitsuuteqarfiusumut tikiunneqarneranni akiligassanngussapput.

Poortuutit qularnaveeqqutaannik allaffissornermullu akiliummik akiligassanngorsimasunik akiliiffissaq kingulleq tassaavoq nioqqutissat tiguisussamut tunniunneqarfiat – qanoq assartorneqarnerat nassiussisullu nunaa apeqqutaatinnagit.

### **9.1 Aki**

Poortuutininik utertittakkanik eqqussuisut qularnaveeqqummik allaffissornermullu akiliutaajunnartumik qaqugukkulluunniit atuuttunik akiligassinneqassapput. Qularnaveeqqut allaffissornermullu akiliut atuuttut 2024-mut aningaasanut inatsimmi kontumut pingaarnermut 73.01.12-imut, Utertitsisarnermi aqqissuussinermi qularnaveeqqut, oqaasertaliussani allaqqapput.

## **10. Akitsuusigassanik nalunaaruteqarnermi immersugassaq TF10 – assersuut**

Poortuut utertittagaq Kalaallit Nunaannut eqqunneqarpat taassuma qularnaveeqquta kiisalu allaffissornermut akiliut akitsuusigassat nalunaarutigineqarfianni TF10-mi allanneqassapput, imeruusaatip puuatalu eqqussuinermi akitsuutaasa nalunaarutigineqarnerannut ilanngullugit. Taanna Sullissivik.gl-imi aaneqarsinnaavoq. Taamatuttaaq nioqquteqartumit allagartaq nassiussallu allagartaat akitsuusigassanut nalunaaruteqarnermut ilanngunneqassapput.

Imeruusaatinik utertittakkanik puulinnik Kalaallit Nunaannut eqqussuinermit atatillugu immersugassap TF10-p eqqortumik immersornissaanut assersuut ataani takuneqarsinnaavoq.

### **10.1. Imeruusaatinik utertittakkanik puulinnik Kalaallit Nunaannut eqqussuineq**

- Suliffeqarfik sodavandinik 15.000 literinik puiaasaaqqanut 1,5 literinik imaqarsinnaasunut maqin-neqarsimasunik eqqussiniarpoq. Taakku puiaasaaqqat 10.000-it nalingaat, tassa imaappoq poortuutit



utertittakkat 10.000-it. Suliffeqarfiup taakku nioqquteqartumut Danmarkimiittumut piniarpai.

- Taava nioqquteqartup Danmarkimiittup immersugassaq akitsuusigassat nalunaarutigineqarfiat immersussavaa, poortuutit 10.000-it taakku eqquusuineri akitsuutaat kiisalu qularnaveeqqutaat allaffissornermullu akiliut eqqortut nalunaarsornerisigut.
  - ➔ Eqquusuineri akitsuutit atuuttut kiisalu akitsuutaasa normui aka.gl-imi takuneqarsinnaapput: [Nioqqutissanik eqquusuineri akitsuutit \(aka.gl\)](http://Nioqqutissanik%20eqquusuineri%20akitsuutit%20(aka.gl))
  - ➔ Qularnaveeqqut allaffissornermullu akiliut atuuttut 2024-mut aningaasanut inatsimmi kontumut pingaarnermut 73.01.12-imut, Utertitsisarnermi qularnaveeqqut, oqaasertaliussani allaqqapput.
- Poortuutit stregkodeata poortuutitut aqutsisumut internetikkut isertarfimmu nalunaarsorneqarsimannissaata qulakkeerneqarnissaa *eqquusuisup pisussaaffigaa*. Stregkode nalunaarsorneqarsimappat eqquusuisoq qanoq iliuseqartariaqanngilaq. Nioqqutissiarli *nalunaarsorneqarsimannigippat* eqquusuisup taanna Poortuutitut aqutsisumut internetikkut isertarfimmi ([www.pant.gl](http://www.pant.gl)) nalunaarsussavaa. Takuuk immikkoortoq 5.
- Nioqquteqartup immersugassaq akitsuusigassat nalunaarutigineqarfissaat Sullissivikkut immersussavaa. Taannalu Akileraartarnermut Aqutsisoqarfiup Aalborgimi ilanngaaserinermik immikkoortortaqaarfianut nassiullugu – soorlu aamma qularnaveeqqummik kiisalu allaffissornermut akiliummik atuutilersitsisoqarnera sioqqullugu taamak pisoqartartoq. Tamanna pissaaq nassiussat nassiussassatut tunniunneqannginneranni tunniunneqarneranniluunniit.
- Nassiussalerisup/assartuisup suliffeqarfik nioqqutissanik piniartoq eqquusuineri akitsuutinik, qularnaveeqqummik kiisalu allaffissornermut akiliummik akiligassissavaa.
- Eqquusuisup eqquusuineri akitsuutit qularnaveeqqullu akileqquneqartut nassiussalerisumut akilissavai, taassumalu aningaasat Akileraartarnermut Aqutsisoqarfimmu ingerlateqqissallugit.
- Nioqqutissat Kalaallit Nunaannut tikiunneqarneranni eqquusuisumut tunniunneqassapput.

## **10.2. Immersugassaq TF10 immersorneqarsimasoq assersuutitut**

Imaappoq immersugassaq TF10 nioqqutissanik nioqquteqartup immersugassaraa. Taanna Sullissivik.gl-imiippoq.

Immersugassap eqqortumik immersorneqarnissaa uuma ataani takutinneqarpoq.

Allatassat tamarmik immersugassami allaffissanut immikkoortoq 13-imi takuneqarsinnaasunut innersuus-sipput:

1) **Nassitsisumut tiguisussamullu paasissutissata**

2) **Eqqussuisinnaanermut akuersissutip normua**

Immiaaqqanik, ciderinik, sodavandinik imigassanik aalakoornartulinnik akulinnik (alkopops), viin-ninik, imigassanik kimittuunik aamma tupanit nioqqutissianik eqqussuinermi nioqqutissanik tigusi-sussap/tiguisussat eqqussuisinnaanermut akuersissutaasa normui nalunaarneqassapput.

Assersuummi matumani sodavandit puiaasaaqqaniittut eqqussorneqarnerat pineqarpoq, taamaammat eqqussuisinnaanermut akuersissummik peqartoqartariaqanngilaq.

3) **Pisiat allagartaata normua**

Inuussutissarsiutigalugu eqqussuinermi nassiussat allagartaata nioqquteqartumit suliarineqartup normua nalunaarneqassaaq.

Taanna takussutissiatut ilanngunneqassaaq.

4) **Nassiussat paasissutissartaat**

Nassiussat paasissutissartaat, matumani aamma umiarsuup nassiussanik usisup normua nassiussallu allagartaata normua nalunaarneqassapput.

Nassiussat allagartaat takussutissiatut aamma ilanngunneqassaaq.

5) **Eqqussuinermi akitsuutit**

Nioqquteqartup suut eqqunneqarnerisut, akitsuusigassat normui suunersut taakkulu akitsuutitaat na-lunaassavai. Assersuummi uani akitsuusigassat normui akitsuutaasalu angissusii makku pineqarput:

- a) Imeruersaatit, sodavandit imeruersaatillu allat kulisyretallit
- Akitsuusigassat normuat: 031
  - Ataatsimut: literi

Akitsuutip annertussusia: 7,50 kr

Tassani pineqarput 15.000 literit, taamaammallu 15.000-it akitsuutaat akilerneqassaaq

- b) Imeruersaatit, saftiliassat paarnanillu saftit POORTUUTAAT, nioqqutissiat immummit sanaat poortuutaat puiaasaaqqallu nunatsinni utertittakkat ilanngunnagit: Puuat ilanngunnagu 0,25 literi sinnerlugu imaqarsinnaasut
- Akitsuusigassat normuat: 035
  - Ataatsimut: poortuut ataaseq
  - Akitsuutip annertussusia: 2,90 kr.

Tassani pineqarput puiaasat 10.000-it, taamaammallu 10.000-it poortuutaannut akitsuut akilerneqassaaq.

**6) Poortuutip qularnaveeqqutaa allaffissornermullu akiliut**

Nioqquteqartup poortuutit utertittakkat qassiuneri kiisalu allaffissornermut akiliut tassani nalunaasavai.

- a) Poortuut utertittagaq
- Akiitsuusigassat P1
  - Ataatsimut: Poortuut ataaseq
  - Qularnaveeqqut: 2,00 kr.
- b) Allaffissornermut akiliut
- Akitsuusigassat: PG1
  - Ataatsimut: Poortuut ataaseq
  - Utertitsinermi qularnaveeqqummut atatillugu akiliutip angissusia: 0,60 kr.

Pineqartumi puiaasat 10.000-iupput, taamaammallu poortuutit 10.000-t qularnaveeqqutaat allaffissornermullu akiliut akilerneqassapput.

**7) Aningaasat akilerneqartussat kisitsisitavii.**

Taakku assartuisup/nassiussalerisup eqqussuisumut akiligassiissutigissavai. Aningaasat assartuisup/nassiussalerisup Akileraartarnermut Aqutsisoqarfimmut ingerlateqqissavai.

## **11. Ilitsersuutitut allanut innersuussineq**

Immiaaqqanik utertittakkanik puulinnik, illit nammineq atugassannik eqqussiniaruit ilitsersuut AKA.gl-imi misissoqqulluguu kajumissaarneqarputit.

## **12. Attavissat paasissutissartaat**

Imeruersaatinik utertittakkanik puulinnik eqqussuineq pillugu maleruagassat periaatsillu atuuttut pillugit apeqqutissaqaruit tamakku arlalitsigut akissutissarsisinnaavatit:

- **Aka.gl**
  - Apeqqutit akileraartarnermut tunngasut assigiinngitsut Akileraartarnermut Aqutsisoqarfiup internetikkut nittartagaani akissutissarsisinnaavatit.
  - Iserfissaq Immersugassat toorlugu immersugassat pisariaqartissinnaasatit aamma nassaarsinnaavatit.
  
- **pan@nanoq.gl**

Nunalerinermut, Imminut Pilersornermut, Nukissiuutitut Avatangiisinullu Naalakkersuisoqarfik ugguuna mailikkut attavigisinnaavat.
  
- **Sullissivik.gl**
  - Akileraartarnernikkut piginnaatitaaffitit pisussaaffitillu il.il. pillugit paasissutissat assigiinngitsut tassani iserfigisinnaavatit.
  - [https://www.sullissivik.gl/Emner/B\\_SKAT?sc\\_lang=kl-GL](https://www.sullissivik.gl/Emner/B_SKAT?sc_lang=kl-GL)
  
- **Akileraartarnermut Aqutsisoqarfiup Innuttaasunik sullissivia – ornigulluni saaffigininneq**
  - Akileraartarnermut Aqutsisoqarfiup Qaqortumi, Nuummi, Maniitsumi, Sisimiuni Ilulissanilu innuttaasunik sullissiviisa akileraarutit pillugit apeqqutinnik ikiorsinnaavaatsit.
  - *Ammasarfii:*
    - Ataasinngorneq, marlunngorneq tallimannngornerlu: 10:00 - 15:00
    - Sisamannngorneq: 10:00 - 17:00
  
- Pingasunngorneq: Matoqqasarput
  
- **Innuttaasunik sullissivik – Oqarasuaat**

- Innuttaasunik sullissivik aamma oqarasuaatikkut attavigisinnaavat
- Oqarasuaat: 34 65 10
- *Piffissaq oqarasuaatikkut saaffiginniffissaq:*  
Ataasinngorneq, marlunngorneq, pingasunngorneq tallimanngornerlu: 09:00 - 15:00
- Sisamanngorneq: 09:00 - 17:00

**EQQAAMAJUK:** Akileraartarnermut Aqutsisoqarfiup akileraarutitit pillugit allakkat amerlanerpaartaat digitaliusumik nassiussortarmagit. Taamaammat eBoksit akuttunngitsumik iserfigisaruk, taava Akileraartarnermut Aqutsisoqarfiup piffissaliussaa, akuersissutaa saaffiginnissutaaluunniit pingaarutilik arajutsissanngilat.

Eqqaamallugu: Nalornissuteqaruit saaffiginissatsinnut nangaassanngilatit.

### **13. TF10 – immersorneqarsimasoq assersuutitut**

# Afgiftsansmeldelse

For indførelse af afgiftspligtige varer i Grønland

**1**

Afsender	Modtager
CVR	CVR
Navn*	Navn*
Vej og husnummer*	Vej og husnummer*
Postbox	Postbox
Postnr.*	Postnr.*
By*	By*
Tlf.*	Tlf.*
	Indførelstilladelse nr.

## Oplysninger om fragt

**3**

Leverandørfaktura nr.*	130371-1	Fragttype*	Skibsfragt
Leverandørfaktura*	Gennemse... Test Leverandørfaktur.	Forbindelsesnr/afsenderbykode*	DET318
Fragtbrev*	Gennemse... Test fragtbrev.png	Fragtbrevnr/postforsendelsesnum	DKAAR0000888
		Afgangsdato*	02-01-2024

## Afgifter

I henhold til gældende grønlandske afgiftsbestemmelser anmeldes følgende varer til afgiftsberigtigelse overfor den grønlandske landskasse

**5**

Vareart*	Varekode	kg   liter i alt	Antal	Fakturabeløb	Afgiftssats	Afgiftsbeløb	Slet
MINERALVAND	000000031	15000			7,50 kr/l	112.500,00	X
EMBALLAGE til	000000035		10000		3,50 kr/stk	35.000,00	X
PANT	000000093		10000		2,00 kr/stk	20.000,00	X
PANTGEBYR	000000094		10000		0,60 kr/stk	6.000,00	X
<b>6</b> +					Afgift i alt	173.500,00	

**7**

Indsend